

# CYNGOR SIR CEREDIGION COUNTY COUNCIL

**Adroddiad i'r:** Cabinet

**Dyddiad y Cyfarfod:** 1/10/2024

**Teitl:** Siarter ar gyfer Teuluoedd sydd wedi Dioddef Profedigaeth drwy Drasiedi Cyhoeddus

**Pwrpas yr adroddiad:** I godi ymwybyddiaeth y Cabinet o'r Siarter ar gyfer Teuluoedd sydd wedi Dioddef Profedigaeth drwy Drasiedi Cyhoeddus, ac i benderfynu p'un ai mabwysiadu'r siarter ar ran y Cyngor.

**Er:** Penderfyniad

## **Portffolio Cabinet ac Aelod Cabinet:**

**Y Cyngorydd Matthew Vaux, Aelod Cabinet ar gyfer Partneriaethau, Gwasanaethau Tai, Cyfreithiol a Llywodraethu a Diogelu'r Cyhoedd**

## **Cyflwyniad**

Yn dilyn casgliad ail gwest Hillsborough ym mis Ebrill 2016, cafodd cyn-Esgob Lerpwl, yr Esgob James Jones ei gomisiynu gan Lywodraeth y DU i gynnal adolygiad ar brofiadau teuluoedd Hillsborough dros y blynyddoedd ers y trychineb.

Cyflwynwyd ei adroddiad yn dilyn hyn i'r Senedd gyda'r pennawd '*The Patronising Disposition of Unaccountable Power*'. Mae'r Adroddiad yn cofnodi profiadau Teuluoedd dros y 28 diwethaf, ac yn cyflwyno 25 cam dysgu gan gynnwys 'Siarter ar gyfer Teuluoedd sydd wedi Dioddef Profedigaeth drwy Drasiedi Cyhoeddus'. Dangosodd yr adroddiad fod profiadau llawer o deuluoedd Hillsborough yn cael eu hadlewyrchu ym mhrofiadau teuluoedd sydd wedi dioddef profedigaeth mewn trychinebau cyhoeddus dilynol.

Nodwyd camau dysgu, a gwnaethpwyd argymhellion i'r Llywodraeth, yr heddlu ac asiantaethau eraill sydd yn ynghlwm â thrasiedïau cyhoeddus.

Ysgrifennwyd y Siarter i sicrhau nad yw'r dioddefaint a ddioddefwyd gan deuluoedd mewn profedigaeth yn dilyn trychineb Hillsborough 1989 yn cael ei ailadrodd pe bai digwyddiadau trychinebus tebyg yn digwydd yn y dyfodol.

## **Y Sefyllfa Gyfredol**

Mae Grŵp Gwasanaethau Brys Cymru a Llywodraeth Cymru wedi ymrwmo ar y cyd i fabwysiadu'r argymhellion gan Adolygiad Hillsborough a amlinellwyd yn y Siarter. Maent yn ceisio datblygu darpariaeth ledled Cymru ar draws Fforymau Cydnerthedd Lleol, ymatebwyr brys, Asiantaethau Iechyd, Awdurdodau Lleol, a'r Sector Gwirfoddol. Mae'r Siarter yn gofyn i lofnodwyr:

- Rhoi buddiannau'r cyhoedd uwchlaw enw da eich sefydliad eich hun
- Ymdrin â phob math o graffu cyhoeddus gyda gonestrwydd mewn ffordd agored, onest a thryloyw
- Osgoi ceisio amddiffyn yr hyn na ellir ei amddiffyn

Bydd mabwysiadu'r Siarter hon ac anrhydeddu ei hegwyddorion yn rhoi fframwaith i ni gefnogi teuluoedd mewn profedigaeth a'r gymuned yn sgil digwyddiad mawr. Mae'n tynnu sylw at ein hymrwymiad i ganolbwyntio mwy ar bobl yn ystod trasiedi gyhoeddus ac i ddarparu gwasanaethau sy'n diwallu anghenion pobl cyn, yn ystod ac ar ôl digwyddiad.

Wrth fabwysiadu'r Siarter hon byddai Cyngor Sir Ceredigion felly yn ymrwmo i fod yn sefydliad sy'n ymdrechu i:

- Pe bai trasiedi gyhoeddus yn digwydd, cefnogi cynlluniau brys a defnyddio adnoddau i achub dioddefwyr, cefnogi'r rhai sydd mewn galar ac amddiffyn y rhai sy'n agored i niwed.
- Blaenoriaethu diddordeb y cyhoedd cyn ein henw da ein hunain.
- Mynd ati i gynnal ffurfiau o graffu'n gyhoeddus – gan gynnwys ymholiadau a chwestau cyhoeddus – gyda dyletswydd, mewn ffordd agored, onest a thryloyw, gan ddatgelu pob dogfen, deunydd a ffeithiau perthnasol yn llwyr. Ein hamcan yw helpu i ddod o hyd i'r gwirionedd. Rydym yn derbyn y dylem ddysgu o'r canfyddiadau craffu allanol ac o gamgymeriadau'r gorffennol.
- Osgoi ceisio amddiffyn y sawl na ellir eu hamddiffyn neu ddiystyru neu ddibrisio'r rhai a all fod wedi dioddef am ein bod ni heb gyrraedd y safonau disgwylidig.
- Sicrhau bod pob aelod o staff yn trin aelodau o'r cyhoedd a'i gilydd â pharch a chwarteisi. Pan nad ydym yn cyrraedd y safon ddisgwylidig, dylem ymddiheuro yn uniongyrchol ac yn wirioneddol.
- Cydnabod ein bod yn atebol ac yn agored i gael ein herio. Byddwn yn sicrhau bod prosesau ar waith sy'n galluogi'r cyhoedd i'n dwyn i gyfrif am y gwaith rydym yn ei wneud ac am y ffordd rydym yn ei wneud. Nid ydym yn camarwain y cyhoedd na'r cyfryngau yn fwriadol.

Yn unol â'r uchod, cynigir bod Cyngor Sir Ceredigion yn mabwysiadu'r argymhellion a nodir yn y Siarter hon, a fydd yn ein galluogi i ddiwallu anghenion a disgwyliadau teuluoedd pe baem yn wynebu trychineb gyhoeddus sylweddol yn y dyfodol.

### **Llesiant Cenedlaethau'r Dyfodol:**

**Oes Aseiad Effaith Integredig wedi ei gwblhau? Os na, esboniwch pam**

Na, gan mai'r cynnig yw cofrestru ar siarter yn hytrach na pholisi.

### **Crynodeb o'r Aseiad Effaith Integredig:**

<b>Hirdymor:</b>	Amherthnasol
<b>Cydweithio:</b>	Amherthnasol
<b>Cynnwys:</b>	Amherthnasol
<b>Atal:</b>	Amherthnasol
<b>Integreiddio:</b>	Amherthnasol

### **Argymhelliad / Argymhellion:**

**I'r Cabinet nodi cynnwys y Siarter ar gyfer Teuluoedd sydd wedi Dioddef Profedigaeth drwy Drasiedi Cyhoeddus, ac i fabwysiadu'r siarter ar ran y Cyngor.**

**Rheswm / Rhesymau dros y penderfyniad:**

Bydd mabwysiadu'r Siarter hon ac anrhydeddu ei hegwyddorion yn darparu cydweithio a chydaddoldeb gyda fframwaith cenedlaethol i gefnogi teuluoedd mewn profedigaeth a'r gymuned yn sgil digwyddiad mawr.

**Trosolwg a Chraffu:**

Ystyriwyd y Siarter gan y Pwyllgor Cydlynu Trosolwg a Chraffu ar 12 Medi 2024, a'i argymhell i'w fabwysiadu gan y Cabinet.

**Fframwaith Polisi:**

Deddf Argyfyngau Sifil Posibl 2004

**Amcanion Llesiant Corfforaethol:**

Creu Cymunedau Gofalgar ac Iach

**Goblygiadau Cyllid a Chaffael:**

Dim

**Goblygiadau cyfreithiol:**

Mae'r Siarter yn unol â rhwymedigaethau wrth gefn sifil y Cyngor i ymateb i argyfwng ac arwain ar adferiad.

**Goblygiadau staffio:**

Dim, gan fod y staff yn cael tasgau wedi'u hailddyrannu i gynorthwyo gyda'r ymateb a'r adfer.

**Goblygiadau eiddo / asedau:**

Dim

**Risg(iau):**

Gall methu mabwysiadu'r Siarter arwain at risg i enw da.

**Pwerau Statudol:**

Deddf Argyfyngau Sifil Posibl 2004

**Papurau Cefndir:**

Dim

**Atodiadau:**

Atodiad 1- Siarter ar gyfer Teuluoedd sydd wedi Dioddef Profedigaeth drwy Drasiedi Cyhoeddus

**Swyddog Arweiniol Corfforaethol:**

Alun Williams, Swyddog Arweiniol Corfforaethol: Polisi, Perfformiad a Diogelu'r Cyhoedd

**Swyddog Adrodd:**

Alun Williams, Swyddog Arweiniol Corfforaethol: Polisi, Perfformiad a Diogelu'r Cyhoedd

**Dyddiad:**

13 Medi 2024



## Siarter

1. Pe bai trasiedi gyhoeddus yn digwydd, cefnogi cynlluniau brys a defnyddio adnoddau i achub dioddefwyr, cefnogi'r rhai sydd mewn galar ac amddiffyn y rhai sy'n agored i niwed.
2. Blaenoriaethu diddordeb y cyhoedd cyn ein henw da ein hunain.
3. Mynd ati i gynnal ffurfiau o graffu'n gyhoeddus – gan gynnwys ymholiadau a chwestau cyhoeddus – gyda dyletswydd, mewn ffordd agored, onest a thryloyw, gan ddatgelu pob dogfen, deunydd a ffeithiau perthnasol yn llwyr. Ein hamcan yw helpu i ddod o hyd i'r gwirionedd. Rydym yn derbyn y dylem ddysgu o'r canfyddiadau craffu allanol ac o gamgymeriadau'r gorffennol.
4. Osgoi ceisio amddiffyn y sawl na ellir eu hamddiffyn neu ddiystyru neu ddibrisio'r rhai a all fod wedi dioddef am ein bod ni heb gyrraedd y safonau disgwyliedig.
5. Sicrhau bod pob aelod o staff yn trin aelodau o'r cyhoedd a'i gilydd â pharch a chwarteisi. Pan nad ydym yn cyrraedd y safon ddisgwyliedig, dylem ymddiheuro yn uniongyrchol ac yn wirioneddol.
6. Cydnabod ein bod yn atebol ac yn agored i gael ein herio. Byddwn yn sicrhau bod prosesau ar waith sy'n galluogi'r cyhoedd i'n dwyn i gyfrif am y gwaith rydym yn ei wneud ac am y ffordd rydym yn ei wneud. Nid ydym yn camarwain y cyhoedd na'r cyfryngau yn fwriadol.



# CYNGOR SIR CEREDIGION COUNTY COUNCIL

<b><u>Adroddiad i'r:</u></b>	<b>Cabinet</b>
<b><u>Dyddiad y Cyfarfod:</u></b>	<b>1 Hydref 2024</b>
<b><u>Teitl:</u></b>	<b>Siarter ar gyfer Teuluoedd sydd wedi Dioddef Profedigaeth drwy Drasiedi Cyhoeddus</b>
<b><u>Pwrpas yr adroddiad:</u></b>	<b>Rhoi adborth yn dilyn cyfarfod y Pwyllgor Cydlynu Trosolwg a Chraffu ar 12 Medi 2024</b>

## **Cefndir:**

Cyflwynodd Alun Williams, Swyddog Arweiniol Corfforaethol a'r Cynghorydd Matthew Vaux, Aelod Cabinet, yr adroddiad ar Siarter ar gyfer Teuluoedd sydd wedi Dioddef Profedigaeth drwy Drasiedi Cyhoeddus i'r Pwyllgor Cydlynu Trosolwg a Chraffu ar 12 Medi 2024.

Yn dilyn casgliad ail gwest Hillsborough ym mis Ebrill 2016, cafodd cyn-Esgob Lerpwl, yr Esgob James Jones ei gomisiynu gan Lywodraeth y DU i gynnal adolygiad ar brofiadau teuluoedd Hillsborough dros y blynyddoedd ers y trychineb

Dangosodd yr adroddiad fod profiadau llawer o deuluoedd Hillsborough yn cael eu hadlewyrchu ym mhrofiadau teuluoedd sydd wedi dioddef profedigaeth mewn trychinebau cyhoeddus dilynol. Nodwyd pwyntiau dysgu ar gyfer y Llywodraeth, yr heddlu ac asiantaethau eraill sydd yn ymwneud ag ymateb i drychinebau cyhoeddus.

Ysgrifennwyd y Siarter i sicrhau nad yw'r dioddefaint a ddioddefwyd gan deuluoedd mewn profedigaeth yn dilyn trychineb Hillsborough 1989 yn cael ei ailadrodd pe bai digwyddiadau trychinebus tebyg yn digwydd yn y dyfodol.

Yn dilyn trafodaeth, gofynnwyd i Aelodau'r Pwyllgor ystyried yr argymhelliad canlynol:

**Argymhelliad / Argymhellion:** Er mwyn i'r Pwyllgor Cydlynu Trosolwg a Chraffu nodi cynnwys y Siarter ar gyfer Teuluoedd sydd wedi Dioddef Profedigaeth drwy Drasiedi Cyhoeddus ac argymell i'r Cabinet bod Cyngor Sir Ceredigion yn mabwysiadu'r Siarter.

**Rheswm / Rhesymau dros y penderfyniad:** Bydd mabwysiadu'r Siarter hon ac anrhydeddu ei hegwyddorion yn darparu cydweithio a chydarddoldeb gyda fframwaith cenedlaethol i gefnogi teuluoedd mewn profedigaeth a'r gymuned yn sgil digwyddiad mawr.

## **Argymhelliad / Argymhellion:**

Cytunodd Aelodau'r Pwyllgor i argymell bod y Cabinet yn mabwysiadu'r Siarter.

**Y Cynghorydd Wyn Evans  
Cadeirydd y Pwyllgor Cydlynu Trosolwg a Chraffu**